



FOTO R. FEINER/52BESTEBAUTEN.CH

Architectura engaschada – architect engaschè

(ls/fmr) Sche la Lia grischuna per la protecziun da la patria dal Grischun preschenta quest onn sut il num «52 beste Bauten» ils edifizis d'importanza culturala construids tranter 1950–2000, alura na dastga natiralmain betg mancar Vrin. Ed era l'ar-

chitect *Gion A. Caminada* (*1957) sto vegnir numnà. En sia patria ha Caminada numnadamain scrit istorgia d'architectura. Passa in tozzel edifizis ha el realisà qua: chasas novas, renovaziuns, stallas, edifizis publics enfin a cabinas da telefon.

El ha adina chapì sia architectura era sco in'incumbensa sociala, sco engaschament politic ch'è democraticamain legitimà ed acceptà. Ses bajetgs intergeschan cun il context ed integreschan perquai era adina ponderaziuns culturalas e socialas.